

197

5. des.

Stofnfé sjóðsins er 5000 — fimm þúsund — krónur, sem er framlag stúdentaráðs Háskóla Íslands.

3. gr.

4. gr.

Tekjur sjóðsins eru:

1. Framlög stúdentaráðs samkvæmt ákvörðun þess á hverjum tíma.
2. Gjafir og annað fé, er sjóðnum kann að áskotnast.
3. Vextir.

5. gr.

Fé sjóðsins skal ávaxta í Landsbanka Íslands, bankavaxtabréfum, ríkisskuldabréfum eða með öðrum jafntryggjum hætti.

6. gr.

Stofnfé sjóðsins og vexti og vaxtavexti af fé hans má aldrei skerða fyrr en það nemur 100000 — eitt hundrað þúsund — krónum, en þá er heimilt að verja öllum vöxtum af þeirri upphæð ásamt öðrum tekjum og eignum sjóðsins, þannig að sjóðurinn nemi ávallt að minnsta kosti 100000 — eitt hundrað þúsund — krónum.

7. gr.

Eigi má veita fé úr sjóðnum nema $\frac{2}{3}$ stúdentaráðs samþykki á fullskipuðum fundi ráðsins.

Skal veita fé úr sjóðnum til gagnlegra framkvæmda í þágu háskólastúdenta, en fé skal aldrei varið til rekstursútgjalda stúdentaráðs eða annarra stofnana.

8. gr.

Reikningsár sjóðsins er hið sama og reikningsár stúdentaráðs.

Reikning sjóðsins skal gera árlega og skal birta hann endurskoðaðan í Árbók háskólans.

9. gr.

Leita skal staðfestingar forseta Íslands á skipulagsskrá þessari og birta hana í B-deild Stjórnartíðinda.

10. gr.

Til breytingar á skipulagsskrá þessari þarf samþykki $\frac{2}{3}$ stúdentaráðs og staðfestingu forseta Íslands.

198

12. des.

Staðfesting forsetans á skipulagsskrá fyrir „Minningarsjóð Félags fyrrverandi sóknarpresta“, útgefin á venjulegan hátt að mandatum af dómsmálaráðherra 12. des. 1949.

Skipulagsskráin er þannig:

SKIPULAGSSKRÁ

fyrir Minningarsjóð Félags fyrrverandi sóknarpresta.

1. gr.

Sjóðurinn heitir Minningarsjóður Félags fyrrverandi sóknarpresta og er stofnaður við andlát séra Einars Thorlacíus præp. hon., er andaðist 2. janúar 1949. — Stofnféð er kr. 2050.00 lagt fram af félagsmönnum. Enn fremur gáfu börn og tengdabörn séra Einars Thorlacíus til sjóðsins kr. 1000.00.

2. gr.

198

12. des.

Sjóðurinn er stofnaður til minningar um látna félagsbræður. Skulu nöfn þeirra ásamt helztu æviatriðum færð inn í þar til gerða minningabók, sem vera skal eign sjóðsins. Til þess er ætlast, að meðlimir í Félagi fyrrverandi sóknarpresta leggi í sjóðinn við andlát sérhvers félagsbróður fjárhæð, er komi í stað blómsveigs á kistu hans. Nafn hins látna og æviatriði skal færa í minningabókina ásamt fjárhæðinni, sem greidd er í sjóðinn.

3. gr.

Í sjóðinn skulu lagðar minningargjafir um látinn félagi, er berast kunna frá vandamönnum eða öðrum. Gjafa þessara skal getið við nafn hins framliðna í minningabókinni.

4. gr.

Sjóðurinn skal ávaxtast í aðaldeild Söfnunarsjóðs Íslands. Höfuðstólinn má aldrei skerða og við hann skal leggja alla vexti, þar til ársvextir eru orðnir 1000 — eitt þúsund — krónur. Frá þeim tíma má til útborgunar falla allt að helmingi ársvaxta, en ávallt skal leggja fullan helming ársvaxtanna við höfuðstólinn.

5. gr.

Vaxtafé því, sem til útborgunar fellur, má verja til styrktar fátækum félagsbræðrum og nánustu vandamönnum þeirra. Þegar vaxtaféð er orðið meira en brún þörf er fyrir til nefndra styrkveitinga, má verja afganginum til eflingar einhverri þeirri kristilegri menningarstarfsemi í landinu, sem Félag fyrrverandi sóknarpresta ákveður að styðja.

6. gr.

Stjórn sjóðsins og umsjón með fjárreiðum hans skal ávallt vera í höndum Félags fyrrverandi sóknarpresta eða stjórnar þess, á meðan það er við lýði. Ef félagið leysist upp skal öll umsjón með sjóðnum falla undir stjórn evangelísk-lúterskrar kirkju á Íslandi og ber henni þá að sjá um alla framkvæmd skipulagsskrárinnar.

7. gr.

Skipulagsskrá þessari má ekki breyta, nema $\frac{2}{3}$ félagsmanna samþykki á aðalfundi, enda komi breytingarnar ekki í bága við innlánsreglur þær, sem settar eru í bréfi til Söfnunarsjóðs Íslands, dags. 13. janúar 1949.

Leita skal staðfestingar forseta Íslands á skipulagsskrá þessari.

Reykjavík, 8. maí 1949.

Kristinn Daníelsson. Ásgeir Ásgeirsson. Magnús Bjarnarson.

Jón Pétursson. Jón Skagan. Jón Guðnason. Þorsteinn Briem.

Vilhj. Briem. J. N. Johannessen. Matthías Eggertsson. Þorvaldur Jakobsson.

Ingvar Nikulásson. Magnús Bl. Jónsson. Böðvar Bjarnason. F. Hallgrímsson.

Vigfús Þórðarson. Erl. Þórðarson. Sveinn Víkingur.